

Minister drs. Marisol Lopez-Tromp:

Apertura oficial di Turbo Rotonde Pos Chikito

Otro joya di proyecto di Gobierno di MEP



STA. CRUZ -- Diarazon 17 September 2008 Gabinete Oduber IV a habri oficialmente e turbo rotonde di Pos Chikito. E brug pa cruza e caminda principal entre Playa y San Nicolas lo keda cla aki dos siman mas of menos. Falta solamente algun detaye pa finaliza. E proyecto aki ta bunita y necesario pa Pueblo di Pos Chikito, vecindario, henter Aruba y bishitantenan cu ta haci uso di e caretera principal di Playa pa San Nicolas. Pos Chikito ta hogar di hendenan balente cu ta traha duro pa gana nan pan y cu mescos cu tur otro Arubiano tin derecho riba un bon infraestructura. Esaki ta encera entre otro careteranan den bon estado

y di bon calidad, un bon maneho di fluho di awa especialmente despues di yobidadnan fuerte, bon acceso y fluho di trafico y siguridad pa tur esnan cu ta haci uso di dje especialmente nos peatonnan.


Gobierno di Gabinete Oduber III y IV a haci su best pa brinda esaki na e Pueblo di Pos Chikito. Nos a construi caretera den areanan residencial cu pa mas di 10 aña nunca a conoce un pida asfalt. Despues di yobidan fuerte di December 2003 Gobierno a pone fondonan disponibel pa Na Pos Chikito pa construi un segundo greppel cu a yuda grandemente cu e dreñahe di awa excesivo den e area. Pos Chikito y vecindario a

bira mas grandi y un rotonde na e cruzada ta na su lugar. Cu e construccion di e rotonde trafico ta bay mas liher asina y tur hende ta core mas safe. Pa e chauffeur di auto un rotonde a muestra di ta accelera e fluho di trafico dunando acceso mas facil y cu menos wardamento. Pues, un rotonde lo general ta mas eficiente den regula trafico di diferente direccion. Cu

e brug e muchanan por yega school sigur y ademas por sinti bon cu un brug moderno. Pueblo di Pos Chikito y vecindario mes a pidi pa haci e trafico na e cruzada mas sigur y tambe pa construi sea un brug of un tunnel. E rotonde di Pos Chikito tabata un inversion di 3.264.600 florin por medio di fondo di caretera. Ademas renobacion di caretera

entre Drive Inn y rotonde Pos Chikito por medio di Wegendienst di DOW a costa 400.000 florin.

Despues di construccion di turbo rotonde di Pos Chikito, Gobierno lo sigui cu trabao grandi di renovacion di un parti di e caretera principal na Savaneta. Renovacion di caretera na Savaneta aki lo costa mas cu 461.000 florin.

Six TRAVAGANTA
 1/2 Kentucky Fried Chicken

For Just **Af\$18.50** (ex. BSO)

KFC

6 PIECES OF CHICKEN
 1 SMALL COLE SLAW
 1 SMALL MASHED POTATO
 20 oz PEPSI

For a limited period.

It's finger lickin' good!

Oranjestad • Santa Cruz • San Nicolaas